

триарх Костянтинаграда Фотей пишет, бысть при Костянтине цари, Ираклиеве внуце, в Ковосе граде при епископе колонийском, и потом бысть в Армении при Фоме, епископе неокесарийском. А обращающихся и приходящих на покаяние волею или неволею приимати их подобает, яко же бысть при тех православных царех, паки тому же подобно яко же Великий Василие прелщеннаго отрока, самоволне отступша от бога и предавшася диаволу писанием, и обличена бывша и || неволею пришедша на покаяние, прият бысть. И паки еврейна оного премудрейшего в врачех Иосифа, неволею пришедша к крещению, прият бысть и сътвори его вместо еврейна истиннаго христианина и вместо волка истинное овча христово стада. И яко же бысть при Ауленте цари Великим Василием в Никеи, святем граде пряхуся с Василием арияне о церкви божи; арияне же молишася, и церкви им не отверзеса; Василий же Великий помолися, и абие паки сами о себе двери отверзошася; безчисленное же множество ариян, извещение приемше о бывшем преславном чудеси, отвергошася злочестиа и || в христианскую веру преложишася. И иная многая таковая в святом писании от святых отець бываемая, еретиков молитвою обращали к Христу, а не оружием убивали. И в ветхом бо законе пророци еретиков молитвою и оружием убивали, но от божия извещения, а не от своего самовластиа.

Тако же и ныне подобает митрополитом и епископом, и архимандритом, и игуменом обращающихся еретиков от своих ересей, или волею или неволею приходящих на покаяние, приимати их; тако бо и святая правила повелевают. И паки в правилех Нила Черньноризца послание к Хариклию презвитеру сурово нападающих на съгрешающих, и в Никоне о покаянии слово 51 и 52-е. Аще ли же пастырие церковнии не обращают еретиков или леностию или нерадением, или грубостию, или по коему любовоковарству, — по правилом святых отець, таковыя изверци повелевает.

Аще ли кто речеть, приведуа от ветхаго закона к новому закону христову, что еретиков казнили лютыми казньми и убивали, — и мы противу речем сему: аще от ветхаго закона к новому закону что приведено от святых христовых уст, от Еуангелиа, и от апостольских посланий и от святых правил седми съборов, и от поместных — <sup>а</sup> сие приемлем.<sup>б</sup> И аще что || кто нововведет или что приложит или уложит кроме Еуангелиа и Апостола и святых правил, — и в святых правилех сего иноязычником и мытарем именует и проклятию предает.<sup>в</sup> Понеже апостол свидетельствует: ветхая мимо идоша и вся быша нам нова христовым пришествием.<sup>г</sup> И паки: аще бы пръвый закон непорочен был, не бы второму исколося место; и аще ли мы или аггел благовестит вам паче, еже благовестихом вам, анафема да будет.<sup>д</sup>

Аще ли кто речет: едино есть, еже молитвою и оружием убивати супротивляющаяся закону Христову, — и мы же противу сему речемъ: молитвою убивати — се от святых есть ||, а оружием убивати — от царьскаго повеления есть и от человеческого се обычая бывает, яко же напреди изъявися о Костянтине цари великом и о Амавии цари, и при Костянтине цари, внуке Ираклиеве, молитвою убо пророци и апостоли казем и смертем предавали противляющихся закону христову, — и мы сему не противимся. Аще и ныне кому от бога таков дар дасться, и мы о сем паче благодарим бога <sup>е</sup> и радуемся,<sup>ж</sup> яко же апостоли сътвориша или Леонтьей Катанский Лиодора еретика связа его своим епитрахелем и възде с ним

<sup>а-б</sup> Доб.; в ркп. нет. <sup>в</sup> Против этого места на поле написано зачало 180.

<sup>г</sup> Против этого места на поле написано зачало 319. <sup>д</sup> Против этого места на поле написано зачало 199. <sup>е-ж</sup> Написано на поле.